

綠猗草堂詩集

綵漪艸堂詩集卷十三

湘潭羅汝懷念生箸

七言律二

偕王心原遊石邨小憩岳堂庵

癸卯

羣山合沓絕塵喧山徑行徐日色溫
落落一椽存破廟

庵猶屬陳氏

纍纍數石表孤邨金鐘可證稱名舊

庵無榜額有小鐘覆地崇禎二年製按其文名岳堂

上懸大鐘康熙五十九年製陳氏錫季鑄云今改名玉堂而土人則又呼玉爲鬱音矣

木主猶餘老淚痕

堂後皮木主無數偶措視之則陳念庵翁在茲尊人也翁沒無後嘗以先墓見託覩此愴然

佛像與人同廢

暫英雄菩薩總空門

哭從姪德瑩六首

伶俜七載伶孤童甫覲成人數已終銳首形原毛顙

古禰頭銳魏主

呼爲筆公瑩貌亦然又嘗伶字尖削余曾以此謂之嘔心句欲錦囊充銅盤獨餽羣相詫

玉樹長蕙恨有窮我長中季同謝傳況無絲竹遺愁籠

而翁卅載弟兄情

瑩爲從兄雲牧長子

鐙火常季共五夏半路棄予同斷

雁一枝棲汝護新鶯絕無儋石墜懸磬僅有遺書貯鑿楹心力

苦拋期正切難將齊等視殤彭

直擬終童志請纓紛紛悉屏世兒情臨池已解書三折擊盞微

諸韻四聲心正自饒雄直氣膽粗常使輩流驚傷心一息彌留

際尙奮空拳訴不平

溱江連歲記從游談藝常先石點頭蕉繭抽餘剛得雨梧桐凋

早易驚秋

瑩以丑秋得病

神僊可叩天難問

涿江有扶鸞者叩瑩終身有不宣拘苦太過召免後

慮之

筆墨無靈永不休

瑩病中猶作字及詩臨終言縣試時被

景武山前多舊侶

書院後山相傳李衛公駐師處

儻聞惡耗淚應流

茅廬風雨黯黃昏促剝頻要與細論

臨終固請余坐榻前與談

屋上疾呼神

不復牖間慟執手猶溫三季艾葉甯延命

親串多餽獲藥

二月梅花早

斲魂

瑩歿召二月朔日時廬外梅花一半零落

月影到窗春正好知應難忘綠依園

記試嘯聲二十季

瑩召甲申五月生余適與湯餅會

仍看屬續倚牀前黃泥瘞

汝重泉裏

浸後十日瘞之干黃泥坳山南

華髮添余兩鬢邊門戶尙應憑弱弟

詩書那忍覩遺編無窮屬望今長已此後生涯益信天

春暮自宗祠歸訪陳五丈畱飲出扇索書因疊前韻二首

書扇上

青山看罷訪龐公，仰屋懸車歲月同。
尊酒座重煩北海，瓣香人愛奉南豐。
林禽侶識頻來客，竹馬都非舊日童。
羣懷殘春雨中盡，陌頭猶放晚花紅。

雀鼠季來俗不敦，淡心排解古風存。
文淵矍鑠猶豪氣，曼倩談諧亦正論。
儘有衣冠同肉里，未應鍾楫遜平原。
鄭公長物餘三絕，何事穿窬夜斂門。

談次述近事如此

泊金霞山下

蒲帆十幅落湘涯，湘水清澄見石沙。
雨後嵐光生木末，晚來山色對金霞。
東西船舫聊孤泊，左右圖書自一家。
夜半吟聲出篷

青短鐙時結四夏花

十月二十八日書感

羣玉山頭舊往還
華容容易鬢毛斑
元音盡美心猶歉
傑構孤支勢已難
亦儼蟠桃王母獻
要畱粗糲腐儒餐
往藉曲突知應晚
且對焦頭強自寬

綺閣曾開步帳圍
酒闌筵散雨絲飛
十季花送佳人老
蘇句一夜霜添旅客淒
縱有樓臺愁蜃氣
從來門巷說烏衣
人心也似浮雲變
持較當時孰是非

泊涿口追悼小牧姪

德瑩

西山講舍倚雲開
兩載從遊此溯洄
黃土久薶詩骨冷
涿波重

照客舟來懸燈夕市看如咎吹角渡宵聽倍哀衛景武祠紅拂

墓

祠墓皆在深江講院後

游魂曾否蹋莓苔

抵衡州更淡不得晤陳伯符內兄漫賦

三季期我成良覲一夜思君甚索居箋縑舊存重九約郵程新
歷半千餘別甯有限期須補寢已頻勞數尙虛咫尺嚴城同萬
里倩他飛鵲報階除

泊肥田浦夜坐偶成

十日漣中又未中小江風景略相同落帆船侶退飛鷁繫帛書
無剛過鴻邨裏夜鐙徐出樹山頭初月靜窺篷便煩流照三方

路

時兩老親在家兒子
埵室人歸甯省垣

送我迢迢遠寢通

別郴州二首

嶺倚黃岑勢最遮南邊盤踞信雄州山川滿目懷前哲風雨中
宵滅旅愁不見蘇耽重化鶴未應尹喜識騎牛圖經攷索銷殘
燭放浪爭如一葉舟

廣廈新來擬萬間

州廨甫經王睢園刺史修葺制極宏敞

何期飛羽暫籠樊思親

太苦頻成癯伶雪無成只益寒朋舊九原存馬鬣

謂陳雲心吏部

官厨

七日累豬肝恩恩行色真多負幾處遺輶未眼看

桂陽郡齋卽事

眼前突兀屋西東暫假監州仵寓公

寓齋爲州同舊廨上房

先遠不嫌庭

樹蔽冬溫非藉火鑪烘遙憐舊雨紛嚮北

謂計偕諸子

靜數明星耿

在東倚枕正愁殘燭盡寺樓剛動五更鐘

甲辰元日喜姓口占試筆時除夕方自郴陽歸不爲風雪

所阻殊有天幸也

甲辰

得侍庭闈餞歲筵安平康樂喜無邊萬季枝浥層霄露千里桺
攜摺嶺煙爆竹向陽逾煖熱煤花待客亾暄妍歸裝先理吟箋
好算負春王第一天

岸花亭懷古

縣志舊名黃花亭明知縣包鴻逵據杜詩改正亭在觀
湘門外臨江之澚帆影漁歌晝夜相接晴光潋灩青翠
撲人想其時居民尚鮮地饒花樹足娛遊目故曰岸花

也崇禎初邑詩人易象清唐吉會王岱郭金臺立岸花
詩社提唱風雅刻有岸花詩社詩二卷皆廢於兵火

國朝始建今亭在萬樓後園中管季曾一至其地亦將
積落風流銷歇不勝今管之感矣邑侯曰此題試士率
賦二首

老客諸侯兩鬢華清樽聊復醉長沙渭濱舊恨留江艸湘上春
懷託岸花北極朝廷常在眼中原寇盜久無家豈惟歎息同梁
傳野鳥終看叫日斜

生前風雨無茅屋死後乾坤有艸亭照我尙餘新月白游魂應
戀舊山青詩人大去飛花懶春興多闌靜室扃暮把滄桑懷往

事故交寥落已晨星

大水 有序

余居依山前橫清溪中多石版水東入漣出湘仲兄結廬溪側廬面西南右方稍低上有行潦侵尋下惠江流漲溢水至則禦以木版泥土其罅如淮黃隄堰法亦固無患下流不半里有石橋曰觀隆橋頭向有小肆橋以下則愈低窪每春漲可至橋下不能越而上也道允十八季三月上湘水暴至漲及仲兄堂下而小肆圯矣以下屋廬亦多被患鄉老已爲僅見余時客都門聞而心惻今季甲辰春夏之際縣雨不絕天中節後尤甚土垣

崩塌十有七八兩日雨甚如注余心惴輒掩卷督工補
苴牆屋十九日漲上溪岸橋頭小肆半沒波中仲兄猶
力防禦日午防潰水全集堂室皆墟而里東被災運器
之舟泝流而上乃掩映於余門前青楓綠柳間矣百季
巨室傾覆幾靡子遺震若轟雷夜闌始息水旣退第相
歎詫莫測其由而余乃怒焉於人事之不可狃而天變
之大可懼也當水之將至也或漫不爲備有進徙薪曲
突謀者輒曰吾居歷百數十季而今傾乎乃其不傾於
百數十季而傾於一旦者則亦莫察豈咎日絕無水患
乎非也蓋咎日江中筒車少而今江中筒車多故也

凡爲筒車必塞壩以激水壩愈多則江愈實矣下流壅
淤勢必旁溢蓋近日江河之通病雖巨細有殊而理則
一也夫醴渠引溉自古有之然乃藉以引河分殺水勢
非專以利農也況晉猶用浚用疏今則無之而反壅焉
遏焉故筒車者徒觀其輪轉自如不勞人力豈若可頌
近人諷筒車詩有若令此物三代見禹無功德湯無仁之句且能變鹵鹵爲沃饒製
車費以百金爲率而農之不惜爲此者非徒爲孰知興
水備直取其四時灌輸可以損百畝之糞也之水爲一朝
利於其見而害已伏於無形乎試爲準之瀕江田耳利
之患溉爲千日之利毋甯患水然所溉之瀕江田耳利
專於居澤而患及居山利盡於百家而患及千室且非

徒以鄰爲壑而先自壑矣而其不便於舟楫又所不暇

計也

船戶最惡筒車險阻常以夜半斫壞之或至輿訟有司以利農故每有田戶

按漢書溝

洫志正莽時徵能治河者以百數長安張戎言水性就

下則自刮除成空而稍深今西方諸郡以至京師東行

民皆引河渭山川水溉田春夏乾燥少水時也故使河

流遲貯淤而稍淺雨多水暴至則溢洩可各順從其性

毋復灌漑則百川流行水道自利則引溉之病行水又

自古爲然然自漢以來治河者眇知此義矣江清雖異

河濁不藉水勢刷沙無嫌旁洩而隄壩壅遏江腹其害

奚啻停淤今自藍田至漣中僅百里中筒車凡七百八

十所其爲壅遏何如乎若夫灾祲頻仍自癸已至今十

季中而大水三至連季淫雨害稼變生意表

前歲禾苗忽自萎於

俗曰坐兜以其下陷也去歲亦然老農所不經見亦緣雨多故秋收後穀入倉箱或生蟲有食耗數百石者

錢賤

實以銀少故

而商病穀賤而農困此則蒼蒼者天尤非

蚩蚩之民所得持管而窺測者矣惟鄉俗人心日遠淳樸而卽澆漓鬥智角力不務其要復侈逾制縱欲無厭是惡足以起乏而召祐哉漢李尋解光言陰氣盛則水爲之長所謂水不潤下亦或一道也迺作詩二首以申儆惕云

無端彌月雨濛濛萬里河流混海東雲暗半空成洞壑水來平

地配蛟龍千家檐棟沈波底一片帆檣入樹中想見下流真澤國試揩雙眼看哀鴻

最奇豐歲困難蘇又見飢鷹屋上呼治地枉稱龍子善慰天莫笑杞人愚尾閭宣洩途中阻灾祲頻仍意豈誣自古長沙歎卑溼感時還有少季無

中秋前二夕書懷

倚閣睇眴野極長浮嵐斜日澹林塘叢篁結翠連鄰屋瓜蔓牽花上苑牆靜寄圖書銷歎歲秋來風雨臥虛堂誰憐二十年前月蠶葉聲中野橘香

故書

蠹吞蟬飛尙宛然孤鐙曾與意畱連從頭細認同三宿折角重
開歷十季翻覆雨雲更世事交親童稚剩遺編草嫌輒越多疏
闕只覓卿孃著茂先

送陳竹君試令保定

少小追從里閭中出門溝水忽西東毛生捧檄多愉色單父鳴
琴有古風劇邑計先驅害馬鄉書時復盼歸鴻太邱美政傳家
法今咎懸知好惡同

嚴寒檢點舊征衣此去燕臺雪正飛北海定傳賢令好故山可
惜酒徒稀一編治譜承庭誥九達康衢歷帝畿明德日崇期
努力風塵無使素心違

秋夜

坐頭童子寢應醒獨倚閒階數曙星露氣下空衣早覺月明在
地戶遲局疏花旖旎猶招蜨腐艸悽迷不化螢滿眼秋光太無
賴蓼紅蘋白徧前汀

丙午元日試筆示萱兒

丙午

曙色微分漏未闌攬衣先聽雀傳歡灑林一雨便同潤爆竹萬
聲能卻寒春氣已從天上動酒懷應較舊年寬文章氣象憑揆
取試向楝花子細看

春暮書懷

一春久雨盡園蔬靜掩蓬蒿仲蔚廬幾見故人供祿米長須健

婦把犁鋤行愁人徑難安步夜覺昏鐙厭細書心力枉拋精氣
耗秦臣墜歎欲何如

次兒蘇塲詩以悼之

往往嘉慶庚辰伯兄舉第二子數月而塲兄有句云期
望壯丁翻物故變憐少子本人情未成章也余時季十
七歷今廿有十季矣蘇兒生歲有半已三歷干支頭方
額隆舉示楹聯意甚親樂偶感寒疾於閏五十四日塲
鍼七日小女薇官又塲念嗣息單微追憶伯兄逸句爲
足成之

逸句偏教續我兄況兒頭角頗崢嶸三季顧復剛能步一日彌

聞已絕聲期望壯丁翻物故變憐少子本人情衰門縱乏籛金
遺尙有陳編貯鑿楹

郡城分守署後舊有閒軒一楹蔭庭太守新以館余老樹
五六株團陰藹綠因以萬葉額軒爲詩紀之

石路中橫短竹籬游人一入浣塵思荒園少屋天原曠老樹無
花意已奇南角艸深通曲徑東偏水長鑿新池全林自許鳴禽
借我亦閒身寄一枝

幾株連合復成林白屋三間引甌淡豈有殊功歸大樹從來覆
物夢濃陰知時漸減淩雲氣慰國猶懷望澤心時望雨甚切夜半拂
檐叢葉響每疑瀟灑送甘霖

寓鹽廠庵昆友周敦安

詒坊

丙戌入泮舊寓到門訪佛

殿皆空蓋戊戌燬於火矣

二十季前數往還森然兩樹鎮當關浮屠未厭桑三宿突兀先
殯屋萬間曾履地仍階艸綠舊時僧亦鬢毛斑南皮故事渾如
昨一剎邨中渺葺攀

贈宋子廷

翔鳳

兼祝七十壽四首

七十季來鬢未皤用心猶苦學陰何少遊梁苑知名早老入長
沙太息多一種性情存悱惻百家文字訂淆訛談鋒葺近鉞三
尺秋水腰間互太阿

綺歲文章列上台鍛風鸞鶴落塵埃瀟湘易起騷人怨杞梓彌

懷絕代才治獄于公陰有德愛民廉叔暮能來葫蘆長柄憑君
問官使芳心一寸灰

夏書獨擁意多疑暇日元亭許問奇開笑卑懷千里外少時從

集中識先生姓字掘衣已惜十季遲先生以乙未來楚南隱侯破韻心

俱古謂沈栗仲先生若士談詞格不卑謂湯浩庵翁此外青鞋韞述少部能

咥訾入時宜

旅情依舊讀書堂天爲斯人藉保障艸閣帶煙量茗飲樸天灑
墨仵花香寓公嬰鑠湖山壯福地鄉壤日月長篋衍青編堪壽
世引季何必進昌陽

紅樸和湯浩翁韻

豈爲冰容俗不知污顏嫌卻粉兼脂荒郊暮雪迷三徑古寺斜
陽見一枝煖閣恰當中酒後濃妝卻憶少季時綺窗來日坐坐
藥定放寒香滿竹籬

偶隨霜葉下人間茸佗春花一例看隔水一窺眞色豔飲冰逾
覺寸心丹生來石上塵難染折伴鐙前夜不寒記得紅羅亭畔
事有人捲袖倚闌干

秋夜畚小雲同季書因次其所寄詩韻於信尾書中言小
渠小舉有校勘石經之役

身藏人海戶常扃昏飲猶能養性靈蚤識升沈歸定數何當終
始究遺經寥天雁影同孤寄遙夜鐘聲共細聽閣住長生定無

恙時君寓武昌長生閣引牽誰復藉絺苓

裘馬新來盡小郎歲華回首去堂堂香生野橘知秋老露泣庭
柯覺夜光伏枕半宵無好夢離家百里卽殊鄉星沙鄂渚遙遙
望卻費郵筒字幾行

畱春戊申

春光九十太匆匆三月餘華一覺中草侵茶蘼斟別酒漫憑楊
柳繫游驄洗車正苦多微雨壓檻重煩佗小紅青旆願教長日
駐畫樓西畔桂堂東

五月末陰雨連日東北風倏寒惠農有佗

石榴花發又花殘客裏光陰過指彈南陌一旬無夏日東風五

月向春寒昔裴雅合涪翁著

山谷四月末天氣陸然如秋詩可堪更著紫昔裴

粗糲先

愁杜老餐黃犬不來頻望遠山煙縹緲暮凭闌

秋末自星沙歸館

碧湘宮外卸輕車鼓噪洲邊泊小櫂足底秋情生水國眼中山
色夢金霞機慵絡緯空勞咽徑冷芙蓉自著花底事湘西拋竹
石盡拈書籍問東家

己酉元日試筆次萱韻

己酉

八方雲物望中新律轉條風入令辰霽色在天檐歇雨歡顏得
酒坐添菡萏苓補益原徵福時嚴親八十有九慈親七十有七筆墨鮮華亦有
神豈復馬周期後日百季長作太平人

故舊彫零屢聞惡耗欲各哭以詩不暇給也

意中華屋已山阿惡耗重重語不譌忍淚怕教銀海竭掄才翻
是玉樓多寢從覺後還疑窈波未平時復起波更有畫眉京兆
尹半季無信竟如何

鄧湘皋季丈攜仲權同季招同沈栗仲大令丈黃虎癡學
博楊紫卿上舍湯勿尊參軍左景喬舍人楊性農張茂
泉二孝廉九日登天心閣讌集城南精舍卽席有佖次

韻奉和

十季回首境茫茫

己亥秋隨先生饒賀侍御于此時湯潛庵翁亦在座今皆下世

遠客新來集

五方白髮飄蕭逢舊雨青山蒼莽入斜陽扶筇步覺閒忘遠落

帽人還笑倩旁根觸草教清淚灑佳辰一醉共飛觴

空庭賑散各西東

夏月賑災民于此地

尚有流亡在眼中姑急暮天憐別

鵲

災民來湘中鵲婦女者以干計

花疏水國盼歸鴻秋逢亢旱思巴雨老放悲

歌振楚風幾度勝遊陪杖履祇因入座愧車公

次韻和楊紫卿九日作

霜落疏林氣沈寥崢嶸傑閣倚秋高萍輶屢聚緣非淺石磴初
升氣已豪山郭清暉環百雉江鄉新味入雙螯謾言酩酊酬佳
節渺莽川原屬目勞

笠屐連翩樹影斜清時無用賦懷沙林泉暇日娛諸老菽粟荒

率廬萬家

時方議積穀

未厭客囊金欲盡恰看鄰圃鞠初花茱萸插

徧渾閒事後會須勝此會佳

李季眉

星漁

招同鄧文紫卿及令兄石梧宮保讌集芋香

山館疊前韻奉謝

舊時朋好已寥寥簡重今猶見伯高久別不應秋興減重來未厭酒徒豪筵記其龐眉客入座仍持左手螯眞賞弗希焦尾

識

時未與秋試

卅季塵海歎新勞

高捧紅雲日未斜瀟湘歸雁落平沙江湖豈必心忤國孝友由來政在家相業十季曾啖芋閒居九日又看花蒼松磊落

時宮保惠

題松屋圖

霜松脆異味新詩其拜嘉

綈澤山堂詩集卷十三終

男式常校梓

綵漪艸堂詩集卷十四

湘潭羅汝懷念生箸

七言律三

疊湘丈韻贈沈栗仲丈

己酉

艸堂湘浦託蒼茫，高閣鐘聲落上方。
花藥氣多兼翰墨，雨姓閒自課陰陽。
接元思入風雲裏，問字人來杖履旁。
重九重三同稷

事喜呼大令，侍流觴

謂彥徵孝廉

歸窈窕飛到浙東，四千季史貯胸中。

先生重刻通鑒

中牟仵吏傳馴雉

餘事江書薄，戲鴻詞律頗嗤紅友論。

近重刊詞律

琴心靜寄古人風

幽蘭滿澤憑誰采，湖嶽中間老寓公。

別湘皋丈疊前韻

學海波瀾接混茫先生津逮稍知方且將白酒酬佳節算說黃
昏近夕陽客舍屢教陪茗飲荒邨應記住花旁戊戌九日看菊于揚州傷花邨

是先生舊遊處

前塵十載難回首今日相從一舉觴

偷詩底用向江東妙筆傳神阿堵中已媿退飛同宋鵬願從高
舉仵燕鴻愁看旅館三秋月乞放歸帆一夜風時丈堅留暫住老屋資

漣遙對宇寢魂長倚木旁公

別紫卿小舉疊前韻

兩月過從未寂寥歸帆忽指石峯高長天雁影空中度昨夜蛩
聲壁底豪范石湖詩一蛩吟時已能豪候過已同梁上燕山溪那得手持螯

劇憐辛苦清湘水波起波平爲若勞

城隅足繭路欹斜動齒常憎飯裏沙秋盡旅懷成壘塊夜長歸
夢到山家閒愁未易銷梧酒世事都如攬鏡花茸道江淹才思
盡拾遺聊復學王嘉

二十一日喜雨簡紫卿小皋疊前韻

暄熱從知有寂寥城南木落亂峯高長空黯淡雲先合小點蕭
疏勢未豪山澗翻飛看石燕江淮風味憶車螯神龍社鬼偷閒
久一雨清塵敢告勞

霜翎沾溼雁飛斜準擬江濤捲白沙甯阻旅程喧客夜休稽渥
澤惱田家知時未礙連宵月得潤重蘇三徑花明發試登高閣

望沿湘山色更清嘉

舟中疊鄧丈韻

瀕行百感集茫茫秋老蒼葭水一方
巴曲舊曾收下里酒從今漸散高陽
彌天白浪來江口照眼黃花憶坐旁
不爲流連損光景會須千日醉千觴

滔滔誰輓逝波東愁絕扁舟一葉中
无侶便教成斷雁淩波重

爲寫驚鴻

時爲人書扇頭洛神十三行

飄零杯酒餘壺榼淒切孤蓬更雨風

歸載新聞傳父老河南治行說吳公

謂撫卹趙公

花朝之夕邀馬梅初李雲根齋中小酌
餞日復飲梅初齋

頭見惠二律次韻奉會

庚戌

妙理從來出濁醪盤飧儉約詎嫌繁櫓承好月允纔滿砌綴疏

花意亦豪虬郭一家同雅集時伯兄適來與飲羊求二仲竝名高江河

萬古流無盡應有聲名屬汝曹

風雨從君報一瓶怕教虛負好春時方聞待補湘中記余與君并

故之江郭新傳本事詩來東云聊紀本事畫滿指頭惟惜嬾謂雲根方尋

肘後已稱奇君近治醫花魂酒意俱酣適未許鄰園蠶蝶知

送陳竹均之官順德

扁舟一葉洞庭波秋意潛催別思多瘠土更宜籌積貯儒風不

變賴漸摩奇才感慨尋燕市故蹟蒼茫問禹河大陸在今鉅鹿其北則古九河

竹馬并州久延望他季入境聽衢歌

七月十四日悔初偕雲根小飲齋中惠詩次韻奉答

夜譚剪燭早春天瞬息新涼思悄然愛我駐顏酈縣酒助君修

鳳益州箋名山不負千秋好句應妨萬口傳佚叟幸教憑攷

索茸將勑建待他年

時議建何督師公祠

次韻和曹西生喜雨

小病經旬廢語言荒齋人散未無喧高城半夜雨沈屋孤館一

鐙風款門塊底潤沾蘇老物牀頭漏溼警吟魂

來詩云衾枕萬同沾雨露恩

家籬鞠應催放盡著黃冠拜帝恩

庚戌元日用己酉元日韻試筆

萬戶桃符又一新東風吹暖入良辰寒煤早化千山雪細岬潛

含十日春滿願，籌車成稔歲。長依鉛槧事，經神兒童笑。獻屠蘇
酒堂上，先斟百歲人。

辛亥除夕

辛亥

不覺人間已歲除，高樓殘燭擁羣書。閒身意嬾煩勞，謝負慣人
諳責索，紆詞翰久疏。詩苦少鄉閭，筓喜穀粗儲。時積穀局務甫竣良朋
天末如相憶，顓況聊承適有餘。子貞太史兄爲佐書而有餘適四字

壬子元日試筆

朝正隆儀想上台，山邨樂事在循陔。輝林旭向崇朝放，絢野春
先半月來。吐納文章宜補世，增刪花草亦須才。東樓重覩鄉鄰
福，檐外紅煤相對開。

再哭悔初

焦尾終教作爨桐，徃徃日說奇童飄飄氣。其殘春盡落，落才

令大邑空。

用惜抱謂劉海峯句意

更衰文章何處哭，卽論骯髒有誰同。懺

心古寺前游地，零落山花繞殯宮。

敲落珠璣不可尋。

聞遺文多佚

黔婁身事剩斜衾，平生分作留皮豹。

委蛻剛成食字蟬，九候銷沈醫國手。

君感憤粵寇博攷武備欲纂一書未成近季又治醫

余謂謂不如醫國

卅季辜負箸書心。

著述遲我三十季君嘗勵于楹語也

皋比兩地過徃

迹，習樂高齋鳳竹林。

晦日再哭悔初時沒已一月矣

尋常咫尺隔音容，況復人天渺萬重。別後有懷方待語，宵來無

寢得相逢吟魂獨攬清湘月近事應愁瘴海煙三十日終仍值
望芳郊新茁艸茸茸

往湘鄉縣

長虹跨水互洙津颯颯秋涼薄薄雲卅里依然眉黛色

辛卯九月曾偕

前室周游雲門寺及洙津廿年難認爪泥痕了無氣象驚關尹好備儲胥護
郭門殘寇草蕙風鶴警稻花香已徧干邨

寄曹識山兼呈幕中諸君子

久客諸侯願已蒞端惠多暇暫塵埃登樓且喜仍吾土橫槊於
今重將才筆沼水清同輩憩山城月滿故人來諸君借客伸豪
飲酩酊清樽夜半開

贈朱石翹明府

孫詒

不到龍城二十季，衙齋如水吏如仙。
河南第一吳公治，蒲邑稱三仲子賢。
除暴自來須重典，救貧端在惜流泉。
除盜賊杜奢侈皆新政也 珍筵破例畱狂客，爛醉榴花五月天。

六月十三日望雨

端前微雨記紛紛，水涸山焦望澤勤。
小圃一旬常有月，長天萬里更無雲。
憑壇社鬼殊尸職，繞郭州民自茹輦。
聞縣中猶未行祈禱 欲輓天河洗兵甲，棲棲六月道州軍。

七月九日得雨

灑玉跳珠總後期，禾枯穗脫已多時。
炎歊頓覺庭階禿，涼潤先

從竹樹窺檢點漏痕愁滿屋消歸行潦喜平池終教小補成欣
賞草誚雲師晚蓋遲

新秋襍述六首

山居半載歲華銷人事恩恩幾節朝雨曠六旬雲枉密秋來十
日暑猶驕灌澆坐見池塘涸涓滴難蘇艸木焦嗟幸薄田循歲
取老農多少汰枯苗

愧持青鏡照頭顱空擬庚寅協孟陬

賤辰以七月庚寅日

濟物已成難作

雨知非猶待再經秋無緣拔宅偕雞犬隨分安身任馬牛苦爇
竟宵蠲睡味虛檐臥看曉星流

匍書笏午吞連營銀漢三秋未洗兵屯衛久裁糜饌苦詰除不

事養癰成泥丸幾見封函谷烽火頻聞逼錦城卻憶漢家丞相
亮渡瀘溪入奏南征

九府泉刀委逝波初形支絀漸銷磨飛錢其擬同唐制造券還
期與宋科交會詎堪金穴侶橫流終柰漏卮何須知造物求難
給受節方成得寶歌

時方議
行鈔法

戎行從古重邊防牖戶當師士徹桑守禦早須團練使轉輸猶
賴度支郎百季生聚窮奢欲頃刻驚呼半散亡

謂四月
廿八日謾說武

臣多惜死韜鈴終屬太公望

多生自分老林泉苦乏兼珍養大季積慮自來同鶴警空餐何
術靜狼煙比閩守望終乖則一室安危只信天花竹無知真可

樂繁蘭時及早秋妍

諸葛亮侯銅蒺藜爲黃紱卿亮祿賤二晉

有敘

敵卿亮祿已歲丁未與毛西垣同季鴻慶同舟嘉魚毛
出示諸葛亮侯銅蒺藜云自秦之黔道經侯墓旋拜祠
下僧已相贈者蓋墓旁掘地得之亮祿既佗長壽復繪
江行詠古圖乙卯乙丑月索頤數語已慰它季離別之思
時事孔艱西垣宿岫愴然成二律應之

幾度沈沙更出泥堅剗兇象利如犀永安宮殿餘榛莽丞相祠
堂見蒺藜籌筆尙徵蛇鳥迹饌車猶想馬牛嘶嘉魚二客曾懷
古戰壘亏金正鼓鼙

歲經千六幾虛盈九閱流年事復更杭羣客應悲宋遠謂卷中宋于延

刺史肯歲囊錐人已禿毛生青天望眼增愁絕青天一里忽愁絕西垣戊戌都

中赤壁游韃藉畫成患鷄偶全欣聚首東南五載未休兵

顯張潤農觀察南征詩冊

劍拂霜琴月挂弓吟情溪洞萬山中書生殺賊成常例名將敦

詩自古風戰伐頻年煩汗馬塵埃浩劫歎沙蟲心勞饋饌空頭

白磨盾還輸筆陣雄

小住李次青司馬湖口營中別後奉寄二首丙辰

山色重重撲馬鞦屏峯北去冒輕寒邨餘桃柳浮春遠澤放牛

半入望寬檐角隔煙憐鄣屋鞭絲帶雨拜蘇官地名平江營所在將軍

保障湖東久詎有橋亭醉尉干

咄咄談鋒出劍鋌森森老庫對壺觴
息時氣欲吞湖海數典功

應軼漢唐未礙雅歌
匱其樂

君于匱政尙寬

懸知單騎虜難當東征西

怨從來事哀爾遽畱父老行

哭汪少逸

元慎

司馬同季

故人別我剛三日何事彌畱一夕中
蒙墨尙濡香已敝
某聲未
宋局先終丁季歟策孤羆迴他日分符五馬同
身事時艱悉拋
卻生涯如此太恩恩

匡廬風雪蠡湖煙半載聊儷翰墨綠唐律格尋香肩外方輿圖

涸水經焉

君刊龍皮集唐七律八卷又銳意輿地之學圖彙甚多

生來慧葉歸根早

君季四十

有公後遺書其榻懸君屢欲購一統志臨爰方我送汪倫情不盡茫茫南浦水連天

顯家羅山方伯遺像用馮子良司馬韻

濂水南來正學窺微時眾裏只何誰一朝崛起人皆詫獨衰瑰奇世豈知雲暗楚天沈畫角春殘鄂渚掩靈旗星沙城畔分歧日手執橐籥出總師

書林頭白影長局同衰遺經不近名百里相望原壤接一家何

事叟墩爭

舟泊螺墩即古南浦地火名羅家墩公籍湘鄉與余為鄰壤又同出吉水嵐下嘗特詣嵐下訪舊牒談之

娓娓云

思存岷管碑刊後

詔許于兩湖江西建專祠

人夔鵬夷像鑄成七十

日來餘涕淚爾時石破想天驚

五月十一日得第二家書

秋老霜林客路催
菊殘棋盡又荷開
孤征獨爲還家速
五月書從間道來
坐使黃金銷陸海
那能白羽障塵埃
一身汗漫原無繫
八郡生靈劇可哀

江天陰翳氣荒涼
劇郡名都總戰場
斧入郊原無艸木
波通水國侶瀟湘
鄉鄰亂後逾凋敝
親舊年來盡老蒼
爲報征夫眠食穩
只應惡國鬢成霜

馮子良司馬詢吏隱圖

簪笏藤蘿本不侔
徑將廨舍作林邱
寢回臥聽匡山雨
事了閒尋悋閣秋
曩答詞宗多嶺海

馮魚山先生粵人又有諱城曾令吾楚善化者嘗見其評點詩文本

甚精風流司馬又江州荻花楓葉應如管別有琵琶一段愁

軍書旁午過從少詩律崢嶸意態新自有長城堅壁壘更須奇

策淨戈兵危疊段我成良覲塵海因君憶故人新城友人陳君廣專所題五言

三首向曾于其稿本見之煤蕊一林蘭九畹冊中有畫幽香何日伴閒身

子良司馬惠贈二詩次韻奉答

聊供力役一家征逆旅相逢見古情茂績拊循庭艸靜新詩重

疊嶺雲生蓋藏早計曾儲粟君宰亂豐時積穀數萬石撻伐連年苦用兵微

尙管原圖吏隱夜來飛鵲五羊城

蚤負堂堂去日多陰符未學學陰何陣圖那解論蛇鳥字體甯

能辨科江郭暑煩逢積雨夜窗秋盡耿明河橫流

兒書法

豈有安居地合向樓船共枕戈

七月十三夜

水面涼生風入帷將圓月值十三時岸聞野哭悲新灰節屆中
元愴遠思季女自修蘋藻祭鮮民已廢蓼莪詩臣友夏一卅季卿考功句
前記良朋句振觸心懷一詠之

偕李復生兄黎壽民至九蓮寺看荷花

兼旬秋氣未爲賒小艇沿行水一涯白玉貯盤頻食藕紅衣倚
鏡尙看花三叉徑僻饒幽意萬葉香來帶露華戰地已無清淨
業得閒聊問野人家

吳貫樞學博母夫人郭氏輓詞

鹿車遽輟屏塵氛禮法鄉鄰誦德門眼見儒冠能繼世手成戎服勉從軋秋風衰柳嘯鳥鳥落日蒼梧黯白雲將母未須悲靡鹽好憑忠藎荅恩勤

秋杪連日風雨

潦盡秋高風雨來新寒潛向敝袍催蒼天久醉澆難醒碧血新

流洗更哀

月之十七日林司馬源恩唐都司德陞殉于撫州五里塘

千里已遲枯槁潤

時江湖數

省久旱

連番應得菊花開經年回省袁臨道轂擊長途十丈埃

馮子良太守招飲時將權領饒郡余亦將歸湘中用前見

贈詩韻爲別二晉

又逐輪蹄事遠征臨歧難遣旅人情秋華豔爲姓天駐獨夜愁

隨月生祇見戈矛尋魯關豈真談笑卻秦兵時艱孰爲紆籌
策特借長材典別城

慙對壺觴旨更多分襟南浦意如何儒林可合循良傳文學須
兼政事科應有樓櫓開瘴嶺誰將焚玉塞黃河遘黎一郡煩存
恤飲犢湘流望止戈

十一月廿八日抵瑞州軍營

岡巒迴複互連營古觀遙煩列隊迎曉月有煙騰萬竈怪雲何
日壓孤城庸中佼佼談言中

劉峙衛司馬
談劍務頗洽

次去悠悠歲序更无

易燎毛收復水人間信是事鸛平

瑞城陷時同季劉豫川希
洛李寶秋錕皆殉城下

自新昌行次漳原坳

曙色西城趁啟關。岡巒重疊路彎環。徑涂塵土聊思雨。行步盤
歧爲看山。晚市喧逾甸。十萬征輪塞破屋。三閒孤鐙土室聊容
與。未礙浮生一夕閒。

臘四日小雨半晌道旁見梅萼

潦盡崖枯老歲華。飛塵十丈障鸛遮。天將一雨洗行色。路出千
山逢好萼。郵徑未妨泥滑澆。板來誰見影橫斜。小園幾日應同
發。爲報郵程已近家。

行經萬載宜春萍鄉瀏陽道中

經歲羈棲水一隈。漸從平遠入崔巍。半腸車轂千迴轉。馬首峯
巒三面來。界劃渠城吳地盡。險憑溪嶺蜀丁開。嚴冬未得藏陽

气大放山蹊處處構

渠城關萍瀏分界處
蕉溪嶺磴路峻絕

顒心澗挹翠樓觀霞圖

丁巳

高騫塵外八九尺頰瞰城西千萬家
山色隔江投遠翠夕陽低樹幟
霞登臨偶向浮生共幻化常看變態
賒我欲上樓窮望眼滿林風雨送黃
萼

一廬漣上繞千脰竹屋松梯君夙登
夾見晚霞明絕巘每聽春雨對孤鐙
分鸛常住緣凡骨到易中休況上層
風景遙知兩樓共閒身輸卻打包僧

贈李季眉

星澹

卽顒其詩藁

才筆青蓮動九州窮愁更佐夜郎流
漫將飯顒嘲朋舊那有園

林任住畱宗派希風成嗣響平臺呼月企特修園有米家船讓藏儲富真覺神僊傲五侯

風流肯度鄧楊何陳述蒼茫付逝波正向琴閒尋笑展忽棄秋

氣動干戈

鄧湘皋先生息楊紫卿何子貞諸君皆先後已秋閒宴遊季眉園中余無會不與時鄧楊多慰語未幾

而有新甯之變今鄧楊皆逝子貞流寓山東無由合併

摘辭蚤譏凌雲賦

君久不應舉與余同志

寄

慨猶餘對酒歌

集中多刺時之作

幸有閒身事吟筆天全暇日草蹉跎

季眉招飲觀香室時會者平陽亢東瀛新城楊熙長昭通

周五華甯鄉汪嘯霞息心澗季眉卽席有詩次韻奉會

傳栢數合竹林賢酒伴呼來共上船

齋形侶之

夢氣煖添開徑後蒼

顏人憶改元特

湘皋先生已改元特歲卒

閒雲偶聚天邊影今雨都關石上

綠八載燧煙渾易度行看臘鼓又催年

劉猛將廟舊感

老樹荒庭半折枝畦蔬青映舊方池寓公隔世成長往廟令黎

民亦子遺

鄧姓二妾一婦皆浸儻存幼子

燐火未銷蕪骨地

二季守城傷亡多瘞菜畦中

飛

蝗重覩蔽空時

道光十五年始稍有蝗來廟所由建今季七月末蝗大至正議捕法

高城四顧頻

搔首寒挾江風雨鬢吹

會垣重晤張紫聯大令

培仁

出示詩藁奉題二首

潭州寒接章門暑闊別經年意有餘一鶴近傳僊令蹟雙魚中

枉故人書宦情地瘠鹽須慎

見瀘溪襟興詩

少日詩成錦不如珠玉九

天間咳唾隨風吹落夜窗虛

玉溪宗派到煤邨綺麗猶看矩矱存漫執空卷捐故實要憑積
卷增靈根辭乖典雅原妨品徑入幽元別有門會得亭林爾時
語亭林集云今之應知白戰未堪論是日詩可不學而能

次韻和李季眉喜雪

時方病渴苦難痊焦土從來劇可憐葭動一陽纔應氣花飛六
出正祈季陶鎔珪璧都成器呼叱風雲亦有權三白定知天福
我遺蝗隨地埽如煙時大吏方行祈禱禮

亢東瀛得霖

用余顥李季眉詩稿二律韻見贈亦次原韻

奉會

蒼煙九點渺齊州晉楚何緣集勝流
癡繫汾桑頻夜往香峯湘

艸十萃爾除名豈爲官箴玷

君爲人牽連去職

相見從教士禮修自有

長城憑管領頭銜兼署醉鄉侯

姓名汶閭屬誰何止水平無一尺波藐藐高天終坐井堂堂去
日枉揮戈惠時邇有安邊策與子聊爲斫地歌慙媿贈言多將
俗豈知心力蚤蹉跎

丁巳除夕螢兒呈棋述四晉亦賦四章示之

戊午

春徂秋盡總林阿歲暮長沙一醉過頗賴佐書供采獲重尋遷

史事編摩推尊酌悅鄉人長中雋才欣夙好多

本科鄉榜多舊識榜首相鄉龍

甥禮陵湯生皆曾及門者臘鼓催年復催別酒壚容易隔山河

戎馬歸來笑璞完溪山聊復息征鞍甫田自佃營生薄適館如

官注選難紅穗一鐙兒就讀青蔬二簋客同餐緣何門外多車
轍誤作當時置驛看

封胡羯末半重泉蘭玉庭階亦化煙蠹簡字多無與食牛山薪

盡竟誰傳

從子先後及門者物故者五人本季
季紫姪芝又煥讀書種子幾盡矣

蕭蕭白髮催雙

鬢忽忽黃昏過一季前夜水程猶旅客孤篷風雨臥江天

陽氣難潛蘖早芽春光十日興偏賒寒煤韻樾千林雪殘菊芳

延一朵花

櫨下菊盆
中有此

悔慢錢神窟歲計祇祈田祖福農家流季

坐惜成虛往術業無加齒自加

綠漪艸堂詩集卷十四終

男式常校梓

經游艸堂詩集卷十五

湘潭羅汝懷念生著

七言律四

追和陳恪勤公重游虎邱詩次原韻

戊午

鏡面霜髯溯往時詩人心蹟聖人知
殊姿楚國生臣里遺愛齊民立
相祠寢入石邨山翠落書籬
金殿網塵離翻因白簡彰清節
傑句猶令隔世思

簿領忘勞卻愛閒吟肩時時謝家山
除將事業黃龔外卽論篇章
白陸間增繳草遮高鳥逐風雷
能起鱷魚頑嶽堂庵畔尋遺蹟
東望湘波去不還

新齊姑有公微時驅鬼事

心海內弟書來謂惟鋪啜當勝鄉居戲會以詩

至味山顛堽水涯何須頭胃爛羊邪貓頭玉版參香積鯽膾銀
絲帶浪花施氏薦蔬供孔飽堯姬烹雪愛陶家頑軀未欲資頤
養但乞珍羞轉鬢華

心海又訊隸書再戲會之

左右紛披叟與圖疲慵難復事雅塗伯喈九勢從何有季直三
餘獨我無高閣紙多碑漫字他人季少米成珠意城每謂余隸
不工用麻姑事
之憲平斷版憑按取不用售書用自娛

蒼松老屋送蘇

迹阻南山思遠牽承筐忽有使來前潛生巖壑無人賞自涉江

湖此味捐拜社尙含霜雪氣登廚初散薛蘿煙當春玉版誇清
脆已讓萌芽一著先

諺云蕨出拜社筍來鳴謝

松屋再餽蕨

又見筠藍帶雨鮮淡情與蕨共拳拳充庖更佗全家惠屬饜重
教果腹眠侶識性甘蔬筍味應知身到桂薑季多慙安邑頻相
累擬掘瓊芽種滿田

播穀

竹簾圍護水流通積雨初停午日烘煖節已應稀朔雪荒邨猶
復見幽風苟全生事須神助得遂幽棲與佛同原媿豚蹄持太
狹奢求還恃祝辭工

各處遺蝗已能飛起近聞有白頭鳥捕食之殆劉猛將軍之神所致也

牡丹

一叢開向土牆邊移植山家更幾年
聊借樓臺平地起不妨羅綺逐時鮮
詩遲迴過陳無已爾瘦寒如謝自然
豈但落花茵溷別瓦盆鬻斗定生前

寄懷郭筠仙同奉兼呈孫芝芳侍講

出門笑向嶺樵先撒手常輕路幾千
居士待酬桑落酒仙人已泛木蘭船
懸知安穩乘風利行盡嘉平到日邊
草帳添香無侍女自披宮錦去朝天

丹鳳城東艸廐斜二分明月五雲車
同攜楚國荃蓀艸相對豐臺芍藥花
箭漏甘年銷片刻荒邨孤往傍三家
舊遊落落晨星

敵我亦秋霜上鬢華

匡廬山色鬱嵯峨章貢長流蕩白波起舞夜從危地其劇談時
較故鄉多煩寃舊鬼連新鬼感慨悲歌樵笑歌八郡遺黎難涉
想樓船顚顚幾青娥

著但承明事最優天涯片席幾人畱揩餘醉眼勤編簡艸罷詞
頭盛唱酬輶傳一封懷玉尺山河兩戒頌金甌興公賦手聲聞
遠然索詩筒付置郵

上巳出游

驟姓欵笠出書帷笠帶初暉趁落暉水滿大田成地鏡香從眾
綠上人衣山庵樹古萬牛重溪磧花幽孤鷺飛卻怪塵緣無意

緒風光一日賞心違

變蛋

一變真如出埴埏能教腐朽化新鮮和灰味得酸鹹外搏土形
 成混沌前花細隱看文石起光寒初轉水晶圓渾融最是心難
 化陶鑄無殊物自偏蛋即蛋字柳子厚蟹刺亭記胡夷蛋蠻俗呼鳥卵為蛋見字彙補變蛋以黃土石灰煙神熱水加鹽和而傳之蛋黃全黑為上心作紅黃色者未盡變也變色而黃白混一煮乃可食者謂之混蛋

聞馬梅初遷葬鑿棺出水詩以悼之

一閉幽宮已七季今聞地已弗良遷門庭冷落還如水子息凋
 殘欲問天生即艱辛悲短寢必難安穩遂長眠玉樓果屬才人
 佳坦腹論文壻亦儂若漫後六子以其半壻歐陽功甫及女皆歿

周裕庭茂才見示桂在堂雙桂歌書題其後

君家青桂我蒼松百卅季來護兩宗遙指客憐喬木在龐眉人
想盛時逢飄搖幾度愁風雨悠忽何曾起敬恭康樂歌詩緣述
祖早令此意落吳儂

余舊有蒼松老屋圖
自題百字令詞二闕

三月十二日大風折筍

紫籜初披青竹竿不曾呪筍登栢盤參天已令蔽斤斧墮地忽
爾摧琅玕林連巖壑獨中輟路接雲霄偏意闌常情惜物怪風
伯我侬古今人事看

食莧

千畦水白未分秧紫莧連根已入筐溼土亾停連夜雨餘春猶

帶百花香赤瑛盤裏看同色碧甕菹邊笑淺嘗
飢飯壺俱一飽菜羹風味最難忘

插秧 三月十六日

尋常四月看栽插今見分秧三月中十雨五風迎夏早千邨萬
落望秋同殘畱无業悲長陷安土多虞恃屢豐履畝未須簞笑
荷東皋早放日瞳矓

春暮

江邨忽忽尋春草草閣陰陰易日斜割愛自刪侵徑筍拔尤新
揀入瓶花丹鉛勘倦思文簞白水流空帳畫叉草道園林葩卉
歇棘藤溪礪尙紛拏

春歸

春來未幾又春歸
穡事頻催花事稀
一白水田俄萬綠
孤棲山鳥忽羣飛
患防旱潦貴儲粟
候榷寒溫勞易衣
卻笑謀生輸翠羽
窺波穩太釣魚磯

種花

只道看花目易迷
種花情事試揆稽
分肥未徧緣澆菜
仵踐無時爲放雞
稅供蜚蠊憑恣肆
隊排蛇鳥浸端倪
任他飛去隨茵溷
造化從來萬不齊

張船山種花詩云蛇虎鳥龍分隊伍此中原有握奇經六句用其意

方上周祠山產蘭
艸小廝攜數束歸
喜其得之夥諦視之
則眾艸其根細而短
惟葉堊侶耳

青青幾束露痕新披拂居然九畹眞陽貨無心同大聖澹臺取
貌亦常人混淆每易畱非種鑒別原難託采薪不向盤根窺底
蘊那能物色到風塵

三月晦大風雨

境得安閒覺晝長何嫌風雨送淒涼不妨看竹來生客亦免尋
花逐遠香青赤暗中司代謝燠寒乘處判微彰稻田水足農夫
喜省卻翻車一日忙

先祖父手鈔放翁律體一帖藏篋中久不省覽茲將廣輯
律體因閱陸詩感賦一首

詩律旁搜冊籍陳遺編風雅近堪親三朝鶴髮諸生老一弓

頭手澤新屬興劍南娛暮景披吟硯北感閒身設云論古加裁

別聊守楹書念管人

先祖父生于雍正十三年卒于嘉慶二十一年享壽八十有二

四月六日爲前室誕辰

寢斷香銷二十季

陸放翁句

清和重值雨晴天房櫳清灑還如舊兒

女參娉遠倍前老去黃門猶仰屋念懸青簡未成編

遺彙未刊

生存

也自稱衰白歷歲剛符錦瑟絃

初夏

木棉裘煥挾衣涼水氣蒸雲漬墨光漲入小溪銜野屋宵聞急

雨圯鄰牆多思每佯非寒慄无志頻遭無服喪

仲嫂再從姪春事

稍停尋夏課拋書幾度繞迴廊

老樹蕭疏新補竹時花零落故饒苔每思鄒子談天其重覩王
郎斫地來稷下小才社自遲江南近事總堪哀是非不合迂辛
說聊向音書闢草萊

王秋從武岡回仍過艸堂談及時事淡望
韻書卒業時有索其舊作哀江南賦者

大水

有序

道光二十四年五月十八九日大雨水浸田傾屋從來
所無曾爲二詩詩序歸咎筒車之多人謂不盡然也咸
豐八年五月二十日雨經六晝夜大水視前加尺日復
較久爲災更甚屋之加固者或圯或否而半嘉莊舍移
葺未久乃復蕩然仲兄屋亦右傾廚庫水既退蛟出澗
之上游有迹山隘水激瀕江兩岸衝沒殆盡患苦不可

殫述仍以二詩志其梗概十餘年中水患屢矣此其大者然無憬然視爲灾者也

帆檣直上翠微前
那信溪山有巨川
力盡築垣頻割地
勢乘沈陸欲浮天
飛流下瀨三千尺
鍛羽驚弓十五季
六日雨聲心膽破
頓教滄海落桑田

頻上高樓瞰水隈
怪雲如墨闔還開
儼聲殷地千家覆
木構浮空百里來
連柅古松標直節
淩波少艾綳殘孩
休言下溟田無穫
露處孤嫠日夜哀

傾屋聲如轟巨礮木架屋浮至石潭屋上猶存一人自言其家在百餘里以上松樹

轟行波不僵蓋水勢迅急顛仆不及溺婦孩在裋中

重九日庵山登高有約不至漫賦二首

路入叢林一徑幽招提重得片時留堂空對佛同無語樹老參

天未覺秋塵世幾人耽靜賞平山廿載記前遊何須更索黃花

酒野色如醒醉不休

樹外遙見連江隔岸諸山頗有揚州平山堂光景戊戌重九重遊地也

洪流湔酒併詩刪老守郊扉等衰關南海有船通日下西星如

帶照人間

中秋後三日
彗出西方

三農結窳緣招募九府錙銖出閭闔卻

就蕭辰風物好閒游一爲解愁顏

書邑先輩謝仲玉先生手藁後

有序

先生名璜前明明經昆季七人皆名下其曰璵者孝廉

已丑之役殉城者也往道光四年余方弱冠隨兄白初

文學讀書花茂塘山齋地多先生後裔知有遺集而沅

湘耆舊集中僅刊萬樓一章當由未見全藁余時任按
採亦荒忽未之及也頃輯潭雅思先生詩託伯兄就近
覘之遂得二帙其一此園集爲謄鈔本其一焚餘集无
首尾前半有評點間有因糾彈而塗改之處紙墨黝鬱
字體樸雅斷爲先生手藁無疑惜評者不得主名其詩
皆鼎革初佗往來酬會郭幼隗王山長夏君映津修
上人周小異李蒲臣張見初易順之劉居升劉九如鳳
鄰几張洞初田方楚周九農諸公必居一於此矣雖處
亂離不廢歌歎想見諸老風流尺幅畱貽眞足發思古
之幽情矣挑鐙永夕亟賦一詩以詠歎之云

元二逢災獨後凋，殘編不共劫灰消。冰霜氣苦知遺老，紙墨光寒出勝朝。執友直糾徵古誼，仍孫慎守亦凡超。息時論世情交錯，想見孤愁起半宵。

得賀少庚

詒令

凶問詩以悼之

剛聞老宿厭塵寰

謂丹麓先生桂齡君本生父也

又見春林禿筍班，未入紫微

虛畫省長蘿玉樹惱青山。包蒙往日承翁語，訪舊斜曛照客顏。

華屋藏書并拋卻，更誰雪髻認煙鬟。

往歲謁尊人耦庚尚書案上置周易余詢近況公曰

包蒙古納婦吉平時課讀甚嚴而方議婚也君以去春顧余卿堂往嘗贈之文待詔水墨大幅懸諸室壁

伯兄見示哭著二首次韻遣悲

纔看淅起便看休，一息還家五日留。倚枕遽醒初入夢，執爨原

佗有方游中分神英奇零數再度圍城慘淡秋履闕迷離魂早

逝猶驚屢鼓戒譙樓

兄先喪子德耀既復得子季已五十故小字大衍而名以著今二十五季矣病中語

語皆吉州
蜀中事

蘭枝再折信衰門圓暈方昕已復昏誠語頗思希馬援嘵聲猶
記試桓溫徒徼錫命章身具塋免輿尸盡氣奔七十老翁仍葬
子延陵禮罷衰孤孫

增原佗

半紙功名一夕休堅城可克命難留何期返旆圖晨省只是
影纓佗夜游生入玉門剛五日運隨金氣畢三秋

兒沒以武

夫詎有文堪屬何事緋衣促上樓

青山霾骨對衡門人鬼相望朝復昏
渴慕地甯期土美匹兒天許藉冬溫
屨除荒隴羣狐匿松溝寒濤萬馬奔
營就一邛無長物惟餘刀劍遺孤孫

追和遺山集中野菊詩用原韻

荒園風露閱季季枝葉離披朵自圓
地迴質全資土氣天成性不近人煙
幾家採摘東籬下一例分數老圃前
算笑黃冠操野服託根淡勝瓦盆妍

再和遺山野菊用原韻

欲吐文章每不成聊從踐蹴出鮮英
孤芳詎博時人賞貞性原從瘠土生
境隔蠅蠹無處覩宵來霜露亦多情
溪山有客耽幽

趣萬壑泉流似酒傾

己未元日呈伯兄

刻燭詩成夜嚮晨
早聽燒竹動比鄰
川原霧雨秊時改
兒女青紅服飾新
入坐旄倪同雅拜
堆盤蓴芋總天真
東園花柳含生久
明日東郊返好春

埶伯兄和侔

壘簾迭奏夜連晨
信可堂名德有鄰
九頓肯餘蒼昊遠
三巡酒後笑談真
歡生爆竹聲如管
雨漬陳根意轉新
寒送土牛

猶隔日誰知彩筆已生春

次日立春

桃花洞先壘種松用東坡寄顓刁景純藏春塲詩韻

白髮將盈匱種松剛逢細雨送東風百季計遠聊圖近千尺看
雖擬得中環植墓門隨屨長何時洞口見花紅高樹老幹焚夷
盡期爾參天十八公杜詩新松恨不高千尺

鐙花

細字寒輝老閉帷短檠牆角棄何時當春蓓蕾坐金粟點水蜻

蜓集玉池

長女德清云蜻
蜓頭侶之良然

永夜不挑防裴落多生無種自華滋

闕

伯兄聞種松寄示一詩次韻奉會

高格昂藏詎受封盤桓聊貯萬株松攜鋤使擬濤生壑被嶺懸
知秀在冬遠勝豔花飛片片未妨濃雪壓重重歲寒共結蒼髯

宴準備追隨兩竹筇

埶原仵

研生於春初種松桃花洞先壘工竣大雪喜志以詩

鵬鉏新破碧苔封丙舍劬教種萬松而地青回從一握飛天
玉戲補三冬桃花淨盡畱紅少馬鬣行看積翠重仵計十季
期不遠賞心他日共攜筇

三月晦日偶成

春盡湘波雨後天分秧剛徧望中田閒遊迹阻東西北勝日陰
銷大坐眠竹徑歉心稀筇籜松齋老眼過雲煙簞林石谷行流
落空鎖縹緲七十季

獻歲以來惟南行十餘里至蒼松老屋住十日清檢所藏書畫

九旬叢櫟廢編韋人事紛煩劇未稀貪學竟成抽轡綫謀生眞
是補朝衣渥洼水逝駒先盡玳瑁梁空燕不飛心力枉拋三十
載豈期一木願終違

夏初寄懷曾節帥江西

出門一笑大江橫三載睽違事幾更
淩策尙煩樞密使持籌重
拜孔方兄鞭長莫及鶴原急帽脫惟應鶴髮盈幕府近誰操
說悲辛到處共殘羹

尊上他山瞰楚疆道南地屢見跳梁行
窺紫蓋憑衡嶽勢召黃
巾入鄭鄉固圉孰完廩子國先幾安
望夜郎王乘桴從聖安今
日東海蒼茫道路長

臨川清衍袞邊隅兩郡分移迹未殊石磴瀉心期華子仙壇輓
背問麻姑幾家肆足青編不五里塘開碧血無駭絕故人顛沛
日倉皇半夜禿軍符

子墨萍逢盡客卿清宵入寢最分明桃花千尺成終古蝦臂孤
劍出再生堅壁密傳牙校語疏篷閒動手談聲謝師風雪蘇官
南離遣山人憶遠情

未可易全譏輔嗣豈宜音盡守亭林是非自替從多口得禿由
來視寸心南閣積疑存轉注中州嗣響費沈吟師干可憐紬書
客貽累陳編獨我尋

看雲遠目極天涯戰守分途自一家公等殺人如刈艸我方學

佛更拈花故知大匠能鎔鍊須識官橋不禁車獨羨暑來無內
燠晶寒常嚼枕頭瓜

白燕用明人韻

鷗鷺同羣未覺非烏衣舊侶近來稀冥冥孤往不防墮皦皦多
汗何處歸曾向謝家銜落絮偶隨越女翦春衣梁棲侶厭紅塵
沈矯翼凝雲獨自飛

前韻再用明人韻

潔身早擬絕疵瑕飲啄惟從水一涯塵世好新妝屢變朱顏何
故鬢增華堂前永夜荒荒月巷口當年灼灼花真怪孤飛入蘆
葦江東百姓半無家

輓周裕庭茂才

華望清門後起賢，昂霄風格更高騫。
吟耽錦繡謀邨集，手撒珠璣桂樹篇。
多病久虛尊酒約，重泉那復尺書傳。
而翁儻訊同游況，橐項社存雪滿頭。
余每期茂才談，執不至去歲書來以數詩見質，有雙桂歌二首，曩假棹邨集數歲始還。

久雨見月

強懷不滿弱思盈，簾外初停點滴聲。
積雨亾看孤月上，經旬偃屈一陰生。
冰紉委地衣篝冷，雪浪浮空瓦桁明。
西望燧煙資邵近，清光流照漢家營。

惜衰集中七言近體有化板爲活除粗入精之妙，頃閱其

所鈔陸詩知得力有由漫賦一省

禪悅詩情夙枋參返虛入渾味淡醺寬閒境靜原相類編錄篇

多想獨耽所鈔陸詩多干他家同是昔途偏得路僅從耳食詎知甘浣花

傑構分明狂一體休言效劍南

再顯賀仲肅石城送別圖

六朝如夢復成塵柳色婆同往日春魯國靈光猶在望中山故

府久無神燐煙慘澹開津隔耆舊飄零翰墨新安得吾衰隨世

振與君重證石頭因江甯藩署為徐中山王故府相傳署之中堂人不能居居輒有神崇之今猶為粵賦

竊踞靈光謂太常唐鏡海先生耆舊謂卷端鄧楊諸公

伯兄示畱君庵羅漢松詩用前種松韻率和一省來詩序

云近百季物枝勁風來無濤聲其右有古柏

不佞松濤卻號松邨知世上有狂風偶畱古貌標人外想見蟠
根結地中老柏霜皮同涵雨落花春暮任飛紅招提卅載曾游
處物色怱怱禿此公

十一月二十五日省垣賀尙書宅餽蟹

百里煙波隔渺漫溪山也復辨尖圓才難使酒終須醉望絕監
州勝得官下箸尙疑蘆葉動捲簾還惜菊花殘雙螯入手思橫
海曾見憑陵十八灘

大衍姪浸後得敘典伯兄賦詩傷之因用原韻同佗

曾隨譙榜示弧威病翼何期塌不飛敘典北雲徐下賁經季東

水逝無歸養雛望斷修翎展舐犢傷同老淚揮爾祖在天今百

歲二孫應待侍庭闈

秋中連場幼兒黃泉二幼女

埵原仵

一載游魂逝不歸蕭蕭落葉冷庭闈舟沈後見千帆渡晷盡
時難三舍揮詎有異能邀厚賞恨無豐羽遂高飛九重丹詔
黃壚賁化鶴何辜丁令威

小除夕遣懷

人事紛紜掃葉如索逋誰恕閉門居經年方寸愁牢繫良病兼
旬歲小除白髮已斑甯媚竈黃金不見更繙書連牀有約償詩

債明日歡迎長者車

伯兄約小除後來同度歲

綠漪艸堂詩集卷十五終

男式常校梓